

Bosna i Hercegovina  
Federacija Bosne i Hercegovine  
Kanton Sarajevo  
Javna ustanova Osnovna škola „Stari Ilijaš“ Ilijaš

## **-ŠKOLSKI ODBOR-**

Na osnovu člana 21a. Zakona o zaštiti ličnih podataka i Zakona o izmjenama i dopunama zakona o zaštiti ličnih podataka (Službeni glasnik BiH br. 49/06) i člana 86. Pravila JU Osnovne škole „Stari Ilijaš“ Ilijaš, broj 01-2/13, od 17.10.2013., Školski odbor JU Osnovne škole „Stari Ilijaš“ Ilijaš na svojoj dvadeset i prvoj redovnoj sjednici, održanoj dana 07.12.2016. godine donosi:

### **ODLUKA O VRŠENJU VIDEO NADZORA I OBRADI LIČNIH PODATAKA PUTEM VIDEO NADZORA**

#### **Član 1.**

Uspostavlja se video nadzor vanjskog i unutrašnjeg prostora zgrade JU OŠ „Stari Ilijaš“ Ilijaš na mjestima gdje je frekventnost učenika najveća i to:

⇒ **Vanjski prostor:**

- *Pristupni put za školu s regionalnog puta*
- *Pristupni put za školu uz korito rijeke Misoče*
- *Glavni ulaz*
- *Ulaz za produženi boravak i fiskalturnu salu*
- *Školsko dvorište*
- *Parking i ulaz za zaposlene*

⇒ **Unutrašnjost zgrade:**

- *Prizemlje- prostor ispred zbornice*
- *Prizemlje- prostor ispred školske kuhinje*
- *Prizemlje- prostor ispred učionica br. 2,3 i 4.*
- *Prostor sportske sale*
- *I sprat- prostor ispred kabineta biologije i engleskog jezika (2x)*
- *I sprat- prostor ispred kabineta muzičke kulture*
- *II sprat- prostor ispred kabineta historije i geografije (2x)*

#### **Član 2.**

Svrha primjene video nadzora je mjera prevencije neželjenih incidenata koji su specifični za školsku sredinu kao što su nasilno ponašanje, zloupotreba psihoaktivnih supstanci, vršnjačko nasilje, vandalizam i sl., te mjere zaštite imovine škole.

#### **Član 3.**

Pristup podacima nastalim u okviru sistema video nadzora je ograničen preko zaštitne lozinke i posebne prostorije kojoj je ograničen pristup.

Pristup podacima u okviru sistema video nadzora mogu imati:

- Direktor- nadzornik
- Sekretar škole- ovlaštena osoba- kontrolor
- Razrednik učenika/ce

- Učenik nosilac podataka
- Roditelj učenika nosioca podataka
- Policijski službenici

#### Član 4.

Video nadzor će se primjenjivati samo u mjeri i obimu koji je neophodan za ispunjenje određene svrhe iz člana 2. ove Odluke, uz poštivanje prava na zaštitu privatnosti i ličnog života nosioca podataka.

#### Član 5.

Ova odluka stupa na snagu danom objavljivanja, a ista će se objaviti na oglasnoj ploči škole.

#### Obrazloženje:

Cilj odgoja i obrazovanja u JU OŠ „Stari Ilijaš“ pored sticanja znanja, vještina i navika je i razvoj psihofizičke sposobnosti zdrave i zrele ličnosti učenika škole.

Kako je potreba za sigurnošću jedna od osnovnih ljudskih potreba, neophodno je obezbjediti u školi sigurnost kako učenika tako i zaposlenika.

Ostvarivanje cilja se može postići primjenom video nadzora kao sigurnosne tehnologije koja može da sprijeći neželjene incidente koji su specifični za školsku sredinu.

Kao odgojno obrazovna institucija škola je dužna raditi na svim nivoima na prevenciji maloljetničke delinkvencije i vršnjačkog nasilja, a video nadzor ima značajnu preventivnu ulogu.

Nadalje cilj uspostavljanja video nadzora je zaštita imovine škole, tačnije sprečavanje krađa.

Primjena video nadzora u fiskulturnoj Sali je neophodna radi zaštite imovine, budući da istu pored učenika koriste i sportski klubovi nakon nastave i u dane vikenda.

Svrha postojanja video nadzora nije prikupljanje podataka o zapsolenicima, nego tehnička zaštita objekta i bezbjednost učenika i zapsolenika.

Snimci pohranjeni putem video nadzora se automatski brišu nakon isteka 15 dana.

Podacima se pristupa putem mreže s jednog računara na kojem je instaliran poseban softver, a koji se nalazi u kancelariji direktora škole.

Pristup podacima mogu imati lica nabrojana u članu 3. ove odluke.

Podaci nastali u okviru sistema video nadzora neće se obrađivati na bilo koji način koji nije u skladu s utvrđenom svrhom video nadzora, odnosno obrđivat će se samo u mjeri i obimu koji je neophodan za ispunjenje određene svrhe, an pravičan i zakonit način uz poštivanje prava na zaštitu privatnosti i ličnog života nosioca podataka.

Lični podaci će se obrađivati samo uz saglasnost nosioca podataka i moraju sadržavati ime kontrolora, svrhu i vremenski period na koji se saglasnost daje.

Predsjednica

Školskog odbora

Broj: 02-XII-834/16  
Ilijaš, 07.12. 2016. godine

---

Selma Pušina

